



Broj: 02 - 508/19
Vareš, 08.04. 2019. godine

Na osnovu člana 8. Zakona o ministarskim, vladinim i drugim imenovanjima u FBiH („Sl. novine FBiH“, broj: 12/03, 34/03 i 65/13), člana 8. Odluke o utvrđivanju standarda i kriterija za konačna imenovanja na pozicije u regulirane organe (prečišćeni tekst), broj: 01- 50/13 od 18.02.2013. godine i 01- 178/13 od 20.06.2013. godine i člana 33. Statuta Općine Vareš- prečišćeni tekst, broj: 01-162/12 od 11.09.2012. godine, u postupku imenovanja na pozicije u reguliranim tijelima iz nadležnosti općinskog načelnika, Općinski načelnik Vareš r a s p i s u j e

JAVNI OGLAS
za izbor i imenovanje članova Upravnog odbora
Javne ustanove Centar za kulturu i edukaciju Vareš

I. Predmet javnog oglasa

Izbor i imenovanje članova Upravnog odbora Javne ustanove Centar za kulturu i edukaciju Vareš:

- Upravni odbor JU Centar za kulturu i edukaciju Vareš (3 člana)
*(jedan (1) član iz reda stručnih radnika zaposlenih u ustanovi
a dva (2) člana iz reda Osnivača)*

II. Opis pozicije i nadležnosti Upravnog odbora

Upravni odbor JU Centar za kulturu i edukaciju Vareš obavlja sljedeće poslove:

- donosi Pravila Centra,
- imenuje i razrješava direktora,
- utvrđuje planove rada i razvoja,
- utvrđuje godišnji program rada,
- donosi finansijski plan i završni račun i usvaja izvještaj o radu Centra,
- donosi opći akt o unutrašnjoj organizaciji i sistematizaciji poslova i druge opće akte u skladu sa zakonom i Pravilima Centra,
- odlučuje o prigovorima uposlenika iz radno-pravnog statusa,
- usmjerava, kontroliše i ocjenjuje rad direktora,
- rješava sva pitanja odnosa sa osnivačem,

- odlučuje o korištenju sredstava preko iznosa utvrđenog Pravilima Centra,
- odgovara osnivaču za rezultate rada Centra,
- jednom godišnje osnivaču podnosi izvještaj o radu Centra,
- vrši i druge poslove u skladu sa zakonskim, podzakonskim aktima i Pravilima Centra.

III. Mandat

Članovi Upravnog odbora se biraju i imenuju na period od 4 (četiri) godine s mogućnošću ponovnog izbora.

Predsjednik i članovi Upravnog odbora imaju pravo na naknadu za svoj rad, koja će biti utvrđena aktima Osnivača.

IV. Uslovi za pozicije

Svi kandidati moraju ispunjavati opće i posebne uslove.

a) Opći uslovi:

- da su državljani Bosne i Hercegovine;
- da su stariji od 18 godina i da nisu stariji od 65 godina na dan imenovanja;
- da nisu otpušteni iz državne službe kao rezultat disciplinske mjere na bilo kojem nivou vlasti u BiH, u periodu od tri godine od dana objavljivanja oglasa;
- da nisu pod optužnicom Međunarodnog suda za ratne zločine u bivšoj Jugoslaviji (član IX 1. Ustava Bosne i Hercegovine);
- da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH;
- da nemaju privatni/finansijski interes u javnom preduzeću ili javnoj ustanovi u kojoj se kandiduju;
- da nisu članovi organa zakonodavne, izvršne ili sudske vlasti ili savjetnik u smislu odredbi Zakona o sukobu interesa u tijelima vlasti FBiH ako se radi o konačnom imenovanju u organe Javnih ustanova;
- da nisu osuđivani za krivična djela i za privredni prestup nespojiv s dužnošću u instituciji - pravnom subjektu u kojoj se kandiduju 5 godina od dana pravosnažnosti presude isključujući vrijeme zatvorske kazne;
- da nisu lica kojima je pravosnažnom presudom suda zabranjeno obavljanje aktivnosti u nadležnoj instituciji - pravnom subjektu u kojoj se kandiduju.

b) Posebni uslovi:

- najmanje srednja stručna sprema
- da imaju radno iskustvo od najmanje 5 godina za srednju stručnu sprema (nakon sticanja SSS), odnosno najmanje 3 godine ako imaju višu ili visoku stručnu sprema (nakon sticanja VŠS ili VSS);
- da nisu predsjednici ili članovi nadzornog ili upravnog odbora u drugom pravnom licu sa većinskim državnim kapitalom;
- komunikativne i kreativne sposobnosti za savjesno, odgovorno i odlučno vođenje upražnjenih pozicija;
- sposobnost nepristranog donošenja odluka;
- prilagodljivost timskom radu;
- sposobnost tumačenja ekonomskih, tehnoloških, i pravnih analiza i propisa;
- rezultati rada ostvareni tokom prethodnog radnog angažovanja;
- preporuke ranijih neposrednih rukovodilaca;

- poželjno poznavanje stranih jezika prema prirodi posla koje treba obavljati.

Prilikom izbora uzet će se u obzir priznanja i rezultati koje su kandidati do sada stekli, te će se voditi računa o spolnoj i nacionalnoj strukturi izabranih kandidata.

V. Potrebni dokumenti

Kandidati koji se prijavljuju na pozicije članova Upravnog odbora JU Centar za kulturu i edukaciju Vareš, čiji je osnivač Općina Vareš, dužni su uz prijavu na oglas priložiti sljedeću dokumentaciju:

- kraću biografiju sa ličnim podacima (ime i prezime, ime oca, broj telefona i adresu),
- izvod iz matične knjige rođenih,
- uvjerenje o državljanstvu (ne starije od 6 mjeseci),
- ovjerenu kopiju diplome o završenom stepenu i vrsti stručne spreme,
- uvjerenje o radnom iskustvu,
- ovjerena izjava o ispunjavanju uslova iz tačke IV pod a) alineje 3,4,5,6 i 7 i pod b) alineja 3

Dokumenti koji se prilažu uz prijavu moraju biti dostavljeni u originalu ili ovjerenoj kopiji.

VI. Ostale napomene

Dokaz da kandidat nije osuđivan za krivično djelo i za privredni prestup nespojive sa dužnošću u instituciji – pravnom subjektu u kojem se kandiduje, pet (5) godina od dana pravosnažnosti presude isključujući vrijeme zatvorske kazne, službeno će se zatražiti za kandidate koji budu predloženi za konačno imenovanje.

Oglas za podnošenje prijava ostaje otvoren 15 dana od dana objavljivanja i računa se od dana posljednje objave.

Podnosioci prijava s kojima se ne stupi u kontakt u roku od 8 (osam) dana od isteka roka za podnošenje prijava neće biti razmatrani u daljem procesu imenovanja.

Svi kandidati koji budu stavljeni na listu sa užim izborom biće pozvani na intervju pred Komisijom za izbor u regulirane organe. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Obrasci se mogu popuniti neposredno prije intervjua.

Nakon intervjua Komisija će putem pisane preporuke predložiti rang-listu sa najboljim kandidatima i dostaviti je Općinskom načelniku – javni službenik, na razmatranje i konačno imenovanje.

Bilo koji kandidat ili bilo koje drugo lice – član javnosti može podnijeti prigovor na konačno imenovanje ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima Federacije BiH.

Prigovor na konačna imenovanja podnosi se ovlaštenom javnom službeniku – Općinskom načelniku, a kopija se dostavlja Ombudsmenu BiH.

Oglas će biti objavljen u jednom sredstvu javnog informisanja koji izlazi na području Bosne i Hercegovine, na web stranici Općine Vareš i na oglasnoj tabli Općine Vareš.

Nepotpune i neblagovremene prijave neće se uzimati u razmatranje!

Prijave na Javni oglas dostaviti u zatvorenoj koverti na adresu: **Općina Vareš, Ulica Zvijezda br. 34, Komisija za izbor u regulirane organe Općinskog vijeća Vareš**, sa naznakom:

**„JAVNI OGLAS ZA IZBOR I IMENOVANJE
ČLANOVA UPRAVNOG ODBORA JAVNE USTANOVE CENTAR ZA KULTURU I
EDUKACIJU VAREŠ - NE OTVARAJ“**

OPĆINSKI NAČELNIK

Zdravko Marošević